

Thracia cum moribus gentium.

Caii Iulii Solini:

Polyhistor. Caput X

In ea de gruibus, de hirundinibus, de Isthmo.

Nunc in Thraciam locus pergere, et ad ualidissimas Europae gentes uela uertere: quas qui fedulo experiri uelint: non difficulter deprehendent, Thracibus barbaris inesse contentum uitae, ex quadam naturalis sapientiae disciplina.

Concordant omnes ad interitum uoluntarium, dum nonnulli eorum putant, obuentium animas reuerti: alii non extinguere, sed beatas magis fieri.

Apud plurimos luctuosa sunt puerperia: denique recens natum fletu parens excipit: contrarium lactis sunt funera, adeo ut exentis gaudiis prosequantur.

Vxorum numero se uiri iactitant, et honoris loco indicatur multiplex matrimonium.

Quae feminae tenaces sunt pudicitiae, insiliunt defunctorum rogos coniugum, et quod maximum insigne ducunt castitatis, praecipites in flammam eunt.

Nupturae non parentum arbitrio transeunt ad maritos, sed quae prae aliis specie ualent, subhastari uolunt, et licentia taxationis admissa, non moribus nubunt, sed praemii: quas formae premit dedecus, dotibus emunt, quibus coniungantur.

Uterque sexus epulantes, focos ambiunt, herbarum, quas habent semine ignibus superiacto: cuius nidore percussi, pro laetitia habent imitari ebrietatem sensibus sauciatis.

Deritu ista sunt: de locis et populis, quae sequuntur.

Strymonem accolunt dextro latere Denselatae: Bessorum

quoque multa nomina adusque Nestum amnem, qui radice Pangaei circumfluit.

Hebrum Odrysarum solum fundit, qui fluvius excurrit inter Priantam, Doloneo, Thyro, Corpilo, aliosque barbaros tangit, et Liconas. Deinde Haemus sex millibus passuum arduus, cuius aversa Moesi, Getae, Sarmatae, Scythae, et plurimae insidunt nationes. Ponticum litus Sithonia gens obtinet, quae, nato ibi Asphero uate, inter principes indicatur: quae quoniam sine sacrorum, sive cantuum, secreta in Sperchio promontorio agitasse tradunt.

Deinde stagnum Bisbonium, nec longe regio Maronea, in qua Tirida oppidum fuit, equorum Diomedis stabulum: sed cessit aeno, solumque turris. vestigium adhuc durat.

Unde non procul urbs Abdera, quam Diomedis, soror, condidit, et a se sic vocavit.

Mox Democriti domus physici: ac, si uerum rimere, ideo nobilior. Hanc Abderam, Olympiade prima et tricesima senio collapsam, Clagomenii ex Asia ad maiorem faciem restitutam, oblitteratis, quae praecesserant, nomini suo vindicauerunt.

Locum Doriscon illustrem reddidit Xerxis aduentus: quod ibi recoluit militis sui numerum.

Polydori tumulum ostendit Aenus in parte, quam aratores Scythae celebrant.

Quondam urbem Geraniam, Cathizon barbari vocant: unde a greuibus Phrygmaeos fecerunt pullos.

Manifestum sane est, in septentrionalem plagam hieme grues frequentissimas conuolare.

Nec piguerit meminisse, quatenus expeditiones suas dirigant.

Quod dicitur

Sub quodam militiae eunt signo, et ne pergentibus ad destinata vis flatuum renitatur, arenas devorant, sublatisque lapillulis ad moderatam gravitatem saburrantur.

Tunc contendunt in altissima, ut de excelsiore specula metentur, quas petant terras.

Fidens meatu praebet catervas: volatus desidia castigat uoce, quae cogit agmen: ea ubi obtruncata est, succedit alia.

Pontum transiturae angustias captant: et quidem eas, nam promptum est oculis deprehendere, quae inter Tauricam sunt et

Paphlagoniam, id est, inter Carambim, et Κριόν πέτρων, Quum contra medium alueum advenisse se sciunt, scrupulorum sarcina pedes liberant.

Ita nautae prodiderunt, compluti saepe ex illo casu in brevis saxatili.

Arenas non prius renouant, quam securae sedis suae fuerint. Concors cura omnium pro fatigatis adeo, ut, si quae defecerint, congruant universae, lassatasque sustollant, usque dum vires otio reciperentur.

Nec in terra cura segnor.

Excubias nocte dividunt, ut exsomnis sit decima quaeque.

Vigiles ponduscula digitis amplectuntur, quae, si forte exciderint, somnum coarguant.

Quod cavendum erit, clangore indicant.

Aetatem in illis prodit color: nigrescunt senectute.

Veniamus ad promontorium Ceras Chryseon Byzantio oppido nobile, antea Lygos dictum: quod a Dyrrachio abest septingentis undecim millibus passuum: tantum enim patet inter Adriaticum mare, et Propontidem.

In Ceniensi regione non longe a Flauio poli colonia Bizye oppidum, quondam arx Terei regis inuisum hirundinibus, et deinceps alitibus illis inaccessum: quamquam et Thebas, quod illa moenia saepius captasint, negentur subire.

Nam inter caetera, habere illas quiddam praescium, inde noscitur, quod lapsura non petunt culmina, et aspernantur peritura quoquo modo tecta.

Minime certe diris auibus impetuntur, nec unquam praeda sunt, ut sacrae.

Cibos non sumunt resistentes, sed in aere capiunt escas, et hauriunt.

Alter isthmus in Thracia est similibus angustiiis, et pari latitudine arcti maris, cuius litora urbes utrinque secus ostendant.

Propontidis oram insignit Paetge, Melanem sinum Cardia; quod in cordis faciem sita sit, dicta Cardia est.

Omnis Hellespontus stringitur in stadia septem, quibus ab Europa Asiaticam plagam vindicat.

Hic quoque urbes duae, Abydos Asiae est, Sextos Europae.

Deinde contraria inter se promontoria: Mastusia Cherronesi, ubi sinitur Europae sinu tertius.

Finibus Thraciae a septentrione Ister obtenditur, ab oriente Pontus ac Propontis, a meridie Aegaeum mare.